

გადაწყვეტილება

N გ-21-19/615
11/11/2021

615-გ-21-1-4-202111111247



არასამეწარმეო (არაკომერციული) იურიდიული პირის „მედიაკადემიის“ წესდების ცვლილების თაობაზე

„მაუწყებლობის შესახებ“ საქართველოს კანონის 14¹ მუხლის მე-3 პუნქტის საფუძველზე კომისიისთვის დაკისრებული ფუნქციის შესრულების მიზნით, კერძოდ, საზოგადოებაში მედიაწიგნიერების განვითარების ხელშეწყობის კვლევების ჩატარების, საზოგადოების სხვადასხვა ასაკობრივი ჯგუფებისა და სხვა ჯგუფებისათვის, სპეციალური სასწავლო კურსების ჩატარების/პროგრამების განხორციელების მიზნით, კომისიამ 2018 წლის 2 აგვისტოს N455/22 გადაწყვეტილებით, დააფუძნა არასამეწარმეო (არაკომერციული) იურიდიული პირი „მედიაკადემია“ და მიიღო ა(ა)იპ „მედიაკადემიის“ წესდება.

„მაუწყებლობის შესახებ“ საქართველოს კანონის 14¹ მუხლის მე-6 პუნქტის თანახმად, კომისია უფლებამოსილია კომისიის ბიუჯეტიდან გამოყოს შესაბამისი თანხები, მოიპოვოს გრანტები და დაფინანსების სხვა წყაროები, აგრეთვე კომისიის ბიუჯეტიდან დააფინანსოს მედიაწიგნიერების ხელშეწყობის პროგრამები/პროექტები.

ა(ა)იპ „მედიაკადემიის“ წესდების მე-6 მუხლის პირველი პუნქტის შესაბამისად, აკადემიის ქონება იქმნება დამფუძნებლის დაფინანსების, შემოწირულობების, გრანტების, დამხმარე სამეწარმეო საქმიანობითა და სხვა კანონიერი გზით მიღებული შემოსავლებისაგან. კომისიას მიზანშეწონილად მიაჩნია, რომ გარდა დაფინანსებისა, საჭიროების შემთხვევაში, ა(ა)იპ „მედიაკადემიის“ პროგრამებისა და პროექტების ხელშეწყობის მიზნით, განახორციელოს ა(ა)იპ „მედიაკადემიისთვის“ ქონების გადაცემა და შეიტანოს შესაბამისი ცვლილება ა(ა)იპ „მედიაკადემიის“ წესდებაში.

ცვლილება განხორციელდება და ახალი რედაქციით ჩამოყალიბდება ა(ა)იპ „მედიაკადემიის“ წესდების მე-5 მუხლში (აღმასრულებელი დირექტორი) აღმასრულებელ დირექტორთან გაფორმებული ხელშეკრულების მოქმედების ვადა და ვადამდე შეწყვეტის საფუძველები.

ყოველივე ზემოაღნიშნულის საფუძველზე, „მაუწყებლობის შესახებ“ საქართველოს კანონის მე-5 მუხლის მე-3 პუნქტის ო) ქვეპუნქტისა და 14¹ მუხლის შესაბამისად,

„ელექტრონული კომუნიკაციების შესახებ“ საქართველოს კანონის მე-4 მუხლის პირველი პუნქტისა და მე-2 პუნქტის ლ) ქვეპუნქტის, მე-11 მუხლის მე-3 პუნქტის რ) ქვეპუნქტის, საქართველოს სამოქალაქო კოდექსის 25-ე - 29-ე მუხლების შესაბამისად, საქართველოს ზოგადი ადმინისტრაციული კოდექსის 53-ე, 54-ე და 56-ე მუხლებისა და VII თავის შესაბამისად, კომისიამ ერთხმად,

გ ა დ ა წ ყ ვ ი ტ ა :

1. არასამეწარმეო (არაკომერციული) იურიდიული პირი „მედიაკადემიის“ წესდებაში შევიდეს ცვლილება და ჩამოყალიბდეს თანდართული რედაქციით;
2. დაევალოს ა(ა)იპ „მედიაკადემიას“, წესდების ახალი რედაქციის რეგისტრაციაში გატარების მიზნით, დოკუმენტაციის სსიპ „საჯარო რეესტრის ეროვნულ სააგენტოში“ წარდგენა (შ.შავერდაშვილი);
3. დაევალოს კომისიის ადმინისტრაციას წინამდებარე გადაწყვეტილების კომისიის ოფიციალურ ვებ-გვერდზე (www.comcom.ge) გამოქვეყნება (ო.ვოტ);
4. გადაწყვეტილება ძალაში შევიდეს კომისიის ოფიციალურ ვებ-გვერდზე (www.comcom.ge) გამოქვეყნებისთანავე;
5. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64) გამოქვეყნებიდან ერთი თვის ვადაში;
6. კონტროლი აღნიშნული გადაწყვეტილების შესრულებაზე დაევალოს კომისიის ადმინისტრაციას (ო.ვოტ).

ვახტანგ აბაშიძე

თავმჯდომარე - მ.შ.

ეკატერინე იმედაძე

წევრი

ნათია კუკულაძე

წევრი

